

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm Septembris Et Octobris

Surius, Laurentius

Coloniae Agrippinae, 1576-

VD16 S 10262

De S. Ethbino abate.

[urn:nbn:de:hbz:466:1-77413](https://nbn-resolving.de/urn:nbn:de:hbz:466:1-77413)

VITA SANCTI ETHBINI ABBATIS, IN
CERTO QVIDEM AVTHORE, SED FIDE
digna. Stylumpaßim elimauit F. Laur. Surius.

19. Octobris

Patria S.
Ethbini.

Parentes.

Mater sit
sanctimoni-
alis.

Luc. 14.

Vuinualo-
cus presby-
ter sanctissi-
mus.Christus ap-
pareret san-
ctis his, in
specie le-
prosi.

Act. 3.

Tertiar Chri-
stus fructus
teruos suos.Visio Eth-
bini.

EATI Ethbini confessoris scripturus vitam, cum mihi
oro adesse suffragatorem, quem ille sui pectoris habuit
habitatem. Fuit ille in Britannia minori natus patre
nobilissimo, itemque matre, eruditus liberalibus studijs
in paterna domo vñque ad decimumquintum annum grati-
tis sua. Mortuo autem patre eius Eutychio, mater Eula ad
beati Samsonis Dolensis Episcopi praesidia confugit, ro-
gans eum, vt sacro velamine ipsam consecraret. Assensit
ille precibus & voluntati eius, camque Domino dedicauit:
filium verò eius Ethbinum, tonso capite, in Clerum
assciuit. Morsit autem Ethbinus cum beato Samsoni Epi-
scopo diebus aliquot, nocte ac die seruiens illi. Cumque die quodam beatus Episco-
pus sacerdotali fungeretur officio, & Baumerus Diaconus lectionem Euangeliū reci-
taret, audiens Ethbinus dicentem Dominum, Qui non renunciat omnibus, quæ pos-
siderit, non potest meus esse discipulus: hac voce compulsus, omnia reliquit, & ad san-
ctum Similianum Abbatem se conferens, monasticum ab eo habitum accepit, col-
lamque suum diuinæ seruitutis suauijugo supposuit in monasterio, quod Tauracum
dicunt.

In eo monasterio tum degebat Vuinualocus presbyter & monachus, vir magnæ
sanctitatis, qui beatum Ethbinum sibi adiungens, vt proprius cognovit eum superna
gratia illustratum, perinde vt pater filium, eum dilexit. Constueuerat autem beatus
Vuinualocus adire ecclesiam quādam, quæ à monasterio milliari vno aberat, atque
illuc iussu Abbatis pro viuis & defunctis offerre sacrificium. Eius itineris comitem sibi
Ethbinum adhibuit iuuenem præclarum, egregiumque diaconum, vt dignus presby-
ter sancto diacono vteretur. Accidit autem quandoquè, vt peracto sacrificio, iter per
campos facerent ipso messis tempore. Eccè autem offendunt illuc leprosum quen-
dam humi iacentem, & miserè ciulantem, atque cum lachrymis opem ab eis poisen-
tem. Erat verò corpus eius omne vulneribus obsitum. Permotus eius calamitate &
angore beatus Vuinualocus, ait ad Ethbinum: Ecquidnam, mi frater, daturi sumus
huic inopi, nostrum auxiliū imploranti? Aurum & argentum non est nobis, nudi hu-
ius mudi pecunijs, quid aucturi sumus? Sanctus Ethbinus plenus spiritus sancto, respon-
der: Legimus, pater, in Apostolorum Actibus, beatis Apostolis Petro & Iohanne in
templum ingredientibus, claudum quendam ab eis eleemosynam petijisse, & salutis
beneficium imperiisse. Tu igitur proprius accede ad pauperem, & supernę gratię mu-
nus ei impertire. Ait ergò beatus Vuinualocus ad leprosum: Quis est, frater, mor-
bus tuus, qui tam alta suspiria, tam debiles voces à te exprimit? Ille ab imo pectorc
ingemiscens, cum multa humilitate dicit: Magnę angustiæ, multi, ijque acerbi, dolores
miserum corpus meum obtinent & premunt: sed in ijs dolor quidam precipiuſ est,
adeò infirmitati meę perniciosus, vt nisù ille hoc ipso die curatus sit, mors mihi potius,
quam vita, expectāda sit. Et beatus Vuinualocus: Dic, inquit, frater, qua nostra ope-
ra leuari possis. testis est enim Deus, etiam carnis nostræ partē, si sic poscat necessitas,
libenter nos tibi adiuādo impensuros. Tum ille: Nares, ait, meę vulneribus, corrosæ,
à tanti morbi ardore fortes purulētas contrahunt. Hæc vt ille dixit, beatus Ethbinus
librum deponit ē manibus, miserū hominem arripit per latera, pronoq; vultu iacen-
tem erigit. Porrò Christi sacerdos Vuinualocus manū ad eius nares admoturus, au-
dit pauperē lugubri voce dicentem: Noli senior, noli manibus apprehendere nares.
Id enim dolor non permittit: sed si in peccatorū tuorum remissionē dolorem meum
lenire vis, os tuū ad mouere naribus meis, atq; ita leniter exugas extrahasq; putorem,
qui me cruciat. Id audiēs pius sacerdos, inclinat sese, & dum vult facere, quod pauper
perijt, ore suo apprehendit carnē filii Dei, licet ille se putaret leprosi horridas appre-
hendisse nares: dumque exugere incipit illam saniem, lapillus mirabilis incidit in os
eius. Beatus autem Ethbinus Dominum per latera tenens, sursū adspicit, celū aper-
tum videt, atque in capite Christi, quem tenebat, Crux apparet, Angeliique ē cælis
obuiām

obuiām ei veniunt. His conspectis, ait Ethbinus ad Vuinualocum: Pater sancte, quem ego manibus teneo, & tu ore, non dubites esse Dominum nostrum Iesum Christum. Cumque magno afficerentur gaudio, cuperentque illud aptū se detinere, ille subuolauit in nubes, aitque ad eos: Non vos puduit mei in angustijs meis, nec me vestri pudebit in regno meo. Hæreditas vestra apud me est, & ijs, pro quibus peccatis, salus in regno meo. Sic dixit, & mox euanuit ab oculis corum, in cælum cum magna voce receptus. Et vocem illi quidem audiérunt, sed neminem viderunt. Stupefacti autem, & immenso repleti gaudio, laudauerunt eum, qui ipsos intantum dilexit, ut in pauperis forma eis apparere non sit dedignatus. Dixit autem beatus Vuinualocus ad sanctum Ethbinum: Tuis meritis, frater Ethbine, isthuc contigit nobis, qui tam singulari es humilitate & obedientia, ut quicquid homo possit præcipere, tu deuotissimo pectore exequaris. At contrâ Ethbinus: Non ita est, pater, inquit: sed tu, qui quotidiè carnem & sanguinem Christi immolas, illum in suo corpore videre meruisti, quem semper animo circunfers. Vide autem, ne alijs innotescat, quandoquidem nemo huius rei præter nos conscius est. Deinde ad monasterium reuersi, nemini quicquam indicarunt, sed in coepa orandi consuetudine, vique ad eius ecclesiæ vastationem perseuerarunt.

Porro autem superuenientes Franci, vastarunt non modò ecclesiam illam, sed etiā totam Britanniam minorem. Quæ res id effectit, ut beatus Ethbinus in Hiberniam fugiens, in sylua, quæ Nestensis dicitur, paruum sibi tugurium ceu pauper peregrinus condiderit, atque in honorem sancti Syluani martyris ecclesiam fabricarit, in eaque perpetim ut bonus seruus Domino suo militarit. Cum autem quodam die præ foribus monasterij federet, claudus quidam ad eum venit, petens eleemosynam. Cui beatus Ethbinus ait: In nomine Domini Iesu Christi surge sanus, & pedibus consiste. S. Ethbinus sanar clausum.

Quædam mulier filium habens paralyticum, cum ad virum Dei peruenisset, rogauit eum, ut ad ipsius veniret ædes, & sanitatem filio à Domino impetraret. Ait autem ad eam beatus Ethbinus: Nos peccatores sumus: non sunt apud nos visitata id genus miracula. Sed si cupis filium tuum habere in columem, ad beatæ Brigidæ sepulcrum perduc eum. Credo per Dei misericordiam, sanctæ virginis meritum illic cum curatum iri. Respondit mulier: Ego verò, mi pater, iam cō illum adduxi, & cum nocte quadam vigilarem, somno obrepente obdormiui paululum, atque in somnis audiui vocem dicentem mihi: In sylua, quæ Nestensis dicitur, moratur seruus Dei Ethbinus, ad quem si filium duxeris, sanum eius meritum illum, Domino largiente, recipies. Et eccè viuit Dominus, non recedam à te, donec filium meum saluum mihi restituas. Itaque beatus Ethbinus in oratorium ingressus, tandem mansit in oratione prostratus Item puerū paralyticū. coram altari, donec puer à matre veniret, eique diceret: Gratias tibi ago, pater, qui me decubentem visitasti, & tuis manibus crexisti, tantumque morbum ame depulisti. Tum verò beatus Ethbinus surgens, benedixit Domino, qui in sanctis suis efficit mirabilia. Ad puerum autem sic locutus est: Vide fili, nemini dixeris, non enim meis meritum, sed gratia Dei salus tibi instaurata est.

Vixit verò beatus Ethbinus illo in loco annis viginti, fideliter exercens opus Dei, morbosque curans. Tantæ autem abstinentiae fuit, ut per hebdomadam non nisi semel, idque quinta feria, cibum caperet, solo pane & aqua contentus. Vinum eo in loco non bibit, nisi cum ad sacra mysteria accederet. Denique cum iam ferè octoginta & tres annos exegisset, acri coepit dolore fatigari: conuocatisque fratribus, qui in ea sylva degebant, obitum suum illis prædictum, ita dicens: Ego vos, fratres mei, omnipotenti Deo commendando, qui præstò est seruus suis in cunctis necessitatibus eorum. Me iam corpore moriturum noueritis. Defunctum ad dexteram altaris humani partem condite, sacras hostias in ipso altari pro peccatorum meorum remissione offerte. Ita pace omnibus data, ante altare spiritum reddidit decimoquarto Calendas Nouembri, sepultusque est honorificè eo loco, quo iusserrat: Vbi, præstante Domino, sicut miracula in laudem & honorem nominis eius, cuius virtus & potestas regnat per infinita secula seculorum, Amen.

Obitus eius.